

Na osnovu Zakona o komunalnim djelatnostima HNK („Sl. novine HNK“ br. 4/2016), Odluke o visini cijena i načinu plaćanja, prikupljanja, odvoza i deponovanja komunalnog otpada br. 01-02-929/05 od 20.10.2005. godine (Sl. Glasnik Grada Mostara broj 09/2005) i Odluke o komunalnom redu Grada Mostara br. 01-02-266/21 od 28.10.2021. godine (Sl. Glasnik Grada Mostara broj 20/2021) zaključuje se:

UGOVOR broj 01-02-1007-1/23

o uslovima pružanja komunalnih usluga prikupljanja i odvoza otpada

između ugovornih strana :

- 1) **Javno preduzeće “KOMUNALNO” d.o.o Mostar**, sa sjedištem u Mostaru Zagrebačka br. 2, ID broj : 4227538940002; PDV broj: 227538940002; ŽR broj: 1027140000018387 Union banka, ŽR broj: 1610200045890022 Raiffeisen banka, koga zastupa Esad Pobrić v.d. direktor Preduzeća (u daljem tekstu: Davalac komunalnih usluga) sa jedne

i

- 2) _____ ulica _____ br _____
(u daljem tekstu: Korisnik komunalnih usluga) sa druge strane,

Broj članova domaćinstva: _____

Šifra korisnika: _____

Član 1. (Predmet ugovora)

Predmet ovog ugovora je prikupljanje i odvoz komunalnog otpada. Komunalnim otpadom smatra se otpad iz kućanstava kao i drugi otpad koji je zbog svoje prirode ili sastava sličan otpadu iz kućanstava.

Kućnim otpadom smatraju se čvrsti otpaci koji nastaju u stanovima, kućama, zajedničkim prostorima stambenih objekata, garažama i dvorištima, a koji se po svojoj veličini mogu odlagati u posude za otpad.

Kabastim otpadom smatraju se čvrsti ostaci koji nastaju u stanovima, zajedničkim prostorijama stambenih zgrada, koji se po svojoj veličini, količini ili postanku ne smatraju kućnim otpadom, a naročito: kućanski aparati, namještaj, sanitarni uređaji, kartonska ambalaža u većim količinama ili većih dimenzija.

Član 2. (Obaveze Davaoca komunalnih usluga)

Davalac komunalnih usluga se obavezuje da će odvoz otpada obavljati na način i u rokovima koji obezbjeđuju odgovarajući kvalitet, kvantitet i kontinuitet usluga, sve u skladu sa odredbama ovog Ugovora. Davalac komunalnih usluga je dužan obezbijediti odvoz kućnog otpada Korisniku komunalnih usluga najmanje jedanput sedmično.

Davalac komunalnih usluga dužan je najmanje jednom u mjesecu tokom cijele godine prikupljati i odvoziti kabasti otpad iz stambenih objekata.

Korisnici komunalnih usluga su dužni kabasti otpad odložiti na mjesta i u vrijeme označeno u obavještenju o odvozu kabastog otpada. Zabranjeno je odlaganje kabastog otpada na mjesta koja nisu za to određena.

Za sve vanredne usluge odvoza otpada, Davalac komunalnih usluga je dužan organizovati odvoz, po zahtjevu i trošku Korisnika komunalnih usluga, a isti će telefonski kontaktirati ili doći u prostorije Davaoca komunalnih usluga.

Član 3.
(Obaveze Korisnika komunalnih usluga)

Korisnik komunalnih usluga je dužan pravilno odložiti kućni otpad u posude za odlaganje ili prikupljeno u kese na određeno mjesto, tako da se ono ne rasipa i ne prlja okolni prostor, u vremenu koje je odredio Davaoc komunalnih usluga.

Zabranjeno je oštećivati posude za otpad, ulijevati u njih tekućine, bacati žeravicu ili vrući pepeo, ostatke životinja, građevinski materijal, glomaznu ambalažu, dijelove kućnog namještaja, kao i sve vrste otpada koji ne spada u komunalni otpad. Korisnik komunalnih usluga je dužan čuvati posude za odlaganje otpada pažnjom dobrog domaćina.

Član 4.
(Cijena i način plaćanja)

Cijena usluga odvoza otpada određuje se na osnovu važećeg cjenovnika Davaoca komunalnih usluga koju je donijelo Gradsko vijeće Grada Mostara .

Račun za uslugu u stambenim objektima Davaoc komunalnih usluga ispostavlja prema broju članova domaćinstva.

Korisnik komunalnih usluga plaća izvršenu uslugu odvoza otpada na osnovu ispostavljenog računa od strane Davaoca komunalnih usluga. Račun se smatra dostavljenim ubacivanjem u poštansko sanduče ispred ulaza u stambeni objekat Korisnika komunalnih usluga, a u slučaju kada nema poštansko sanduče, stavljanjem na ulazna vrata ili podbacivanjem ispod ulaznih vrata.

Račun za odvoz komunalnog otpada se Korisniku komunalnih usluga ispostavlja mjesečno, a uručuje najkasnije do 25-tog u mjesecu za prethodni mjesec. Korisnik komunalnih usluga je dužan račun platiti do kraja tekućeg mjeseca za usluge izvršene u prethodnom mjesecu. Ukoliko Korisnik komunalnih usluga ne dobije račun za obračunati period dužan je o tome obavijestiti Davaoca komunalnih usluga koji će mu izdati kopiju računa bez naknade.

Ukoliko Korisnik komunalnih usluga zakasni sa plaćanjem računa Davaoc komunalnih usluga će zaračunati zatezne kamate prema važećim propisima.

Ukoliko korisnik komunalnih usluga odbije zaključiti ovaj Ugovor, a komunalna usluga se pruža, ostaje u obavezi da plaća troškove komunalnih usluga u skladu sa članom 23. Zakona o komunalnoj djelatnosti („Sl. novine HNK“ br. 4/2016).

Za sve naknadne promjene cijena komunalnih usluga koje usvaja Grad Mostar kao nadležni organ Davaoca komunalnih usluga, neće se zaključivati novi ugovor ili aneks ugovora.

Član 5.
(Promjena podataka)

Korisnik komunalnih usluga se obavezuje da će pismeno obavijestiti Davaoca komunalnih usluga o svakoj promjeni vlasništva ili korištenja nekretnina, adrese, promjene broja članova domaćinstva, te o svakoj drugoj promjeni koja je od uticaja za pružanje usluga odvoza otpada i plaćanja iste, u roku od 15 dana od dana nastanka promjene.

Korisnik komunalnih usluga je dužan plaćati usluge odvoza otpada prema ispostavljenom računu sve dok pismenim putem ne obavijesti Davaoca komunalnih usluga o nastalim promjenama.

Član 6.
(Primjena propisa)

Za sve što nije regulisano ovim Ugovorom primjenjivat će se odredbe Zakona o obligacionim odnosima, Zakona o komunalnoj djelatnosti HNK i Odluke o komunalnom redu Grada Mostara.

Član 7.
(Rješavanje sporova)

Sve eventualne sporove ugovorne strane će pokušati riješiti sporazumno, a u slučaju nepostizanja sporazuma nadležan je Općinski sud u Mostaru.

Član 8.
(Informisanje korisnika usluga)

Davalac komunalnih usluga se obavezuje da će u slučaju izmjena o svim bitnim elementima ovog ugovora obavijestiti korisnika komunalnih usluga putem svog websajta www.komunalno-mostar.ba, sredstvima informisanja ili na drugi adekvatan način.

Član 9.
(Broj primjeraka)

Ovaj Ugovor je sačinjen u dva (2) primjerka od kojih svaka strana zadržava po jedan.

Za Korisnika komunalnih usluga

Datum:



Za Davaoca komunalnih usluga

Datum: 15.09.2023. godine